



2015-mut

Kommune Kujallermi

Piareersarfiit

pillugit

isumaqatigiissusiamut ilanngussaq

anguniagasssatullu inernerisassat



Indhold

Aallarniut	2
1) Piareersarfinnut tapiissutit	3
2) Suliffissaaleqisunut immikkut ittumik iliuuserisat	3
3) 15-iniit 18-it tikillugit ukiulinnut immikkut suliniuteqarneq	3
4) Qitiusumit qinnuteqarfissat	4
5) Inernerisassatut anguniakkat	4
6) Piareersarfinnut ingerlatsineranut tapiissutit	5
7) Suliffissaaleqisut pillugit iliuusissaq 2015	5
8) Ilinniagaqarnersiuteqartussanut amerlassusiliinerit	8

Aallarniut

Namminersorlutik Oqartussat aamma Kommune Kujalliap akornanni kiffartuussinissamik isumaqatigiissutip aallaavigalugu Piareersarfinnut 1. januar – 31. december 2015-mut ingerlatsinerannut ilassutitut immikkut isumaqatigiissuteqartoqarpoq.

Piareersarfinni qitiusumik ingerlatsiviit suliainnik ingerlatsinerat il.il. pillugit naliliisarneq pillugu *Namminersornerullutik Oqartussat nalunaarutaat nr. 17, 16. oktober 2007-imeersoq* malillugu § 6, imm. 1 aamma 2 naapertorlugit immikkoortut arlallit taaneqarput kommunalbestyrelsip Suliffeqarnermut Inuussutissarsiutinullu ilinniartitaanermut Pisortaqaarfimmu (maanna Inuussutissarsiornermut, Suliffeqarnermut Niuernermullu Naalakkersuisoqarfik) nalunaarutigineqartartussatut kissaatigisat.

Kommunimut ingerlatsineranut tapiissutit aningaasarsiat akillu nalinginnaasumik qaffakkiartornerat aammalu kommunimi pineqartumi inuussutissarsiutinut ilinniartitaanerni lærlingit amerlassusiat tunngavigalugit iluarsivigineqartarput (1,03 % 2015-mut). Ilinniagaqarnersiuteqarfiusut amerlassusissaat aningaasanut inatsit naapertorlugu aningaasaliissutit málillugit naleqqussarneqartarput.

Isumaqatigiissusiamut ilanngussap imarivai Piareersarfinnut ataatsimut tapiissutit, suliffissaaleqisunut suliniutit, inuusuttuaqqanut suliniutit, qitiusumik qinnuteqarfissat, resultatmål, ingerlatsineranut tapiissutit, Suliffissaaleqisut pillugit iliuusissaq 2015 aamma 2015-mut ilinniagaqarnersiutissat.



1) Piareersarfinnut tapiissutit

Illoqarfiit	Ilinniagaqarnersiutit		Qaammæti t	Tapiissutit akissarsianut atortunullu		
	Agguakka t	Suliffissaaleqine q akiorniarlugu suliniimmit		kr. 1.000	Ingerlatsinermu t tapiissutit	Suliffissaaleqine q akiorniarlugu suliniimmit
Narsaq	35	5	200	10	1.341.750	1.700.000
Qaqortoq	42	5	200	10	1.870.123	
Nanortalik	35	15	1500	10	1.395.664	
Aqutissiuussisut						500.000
15-18 ukiulinnut suliniimmut	20 pers		157,5	3	905.000	
	112	25			5.512.537	2.400.000
Katillugit / I alt	137		2057,5		7.712.537	

Suliffissaaleqineq akiorniarlugu suliniimmut aningaasaliissutit aamma "Suliffeqanngitsunut iliuusissatut pilersaaruti pillugit Kommune Kujalleq aamma Namminersorlutik Oqartussat"-mi allassimapput.

Qalipaata qasersoq Piareersarfinni suliffissaaleqineq akiorniarlugu suliniimmit immikkut tapiissutaapput. Kapitali 7-imi nassuiaassutigineqarput.

2) Suliffissaaleqisunut immikkut ittumik iliuuserisat

Aqutissiuussineq pillugu inatsisip nutaap 1. januar 2014-imi atuutilersup inuusuttut 18-it tikillugit ukiulinnik aqutissiuussinissaq pillugu meeqqat atuariisa aamma Piareersarfiit akornanni suleqatigiittuarnissap isumannaarnissaanik Piareersarfiit pisussaaffeqarnerinik erseqqissaavoq. Ilaatigut piareersarnermut aamma ikaarsaariarnermi aqutissiuussinerup naammassineqarneranut tunngatillugu Piareersarfiit meeqqat atuariannik ikiorsiissapput, tamannalu piviusutigut makkununga tunngatillugu: periarfissat pillugit aqutissiuussineq, inuusuttut ilinniagaannut atatillugu piumasaqaatit atugassarissallu, nangitsilluni ilinniarnert, ilinniagassatut neqeroorutit pingaarutillit allat, ilanngullugit atuariup tunngaviusup inuusuttullu ilinniagarisaasa akornanni ikaarsaariarnermut atatillugu, kiisalu inuusutissarsiteqarnermi periarfissaasinnaasut. Tamatumunnga nangillugu suliffissaaleqisunut immikkut ittumik iliuuseqarnermi Kommune Kujallermi ukiuni missiliorfigisani 500.000 kr.-inik aningaasalikkamik immikkut aqutissiuussisumik atorfinitsinnissanut tapiissuteqartoqarsimavoq.

3) 15-iniit 18-it tikillugit ukiulinnut immikkut suliniuteqarneq

2013-mi Namminersorlutik Oqartussat immikkut suliniimmit 15-iniit 18-it tikillugit ukiulinnut aallartitsivoq. Inuusutissarsiornermut, Suliffeqarnermut Niuernernullu Naalakkersuisoqarfik naliliivoq piviusorsiorpalaartoq nangissallugu atuagarsorfiunngitsumik neqeroorummik sumiiffimmut naleqqussakkamik ingerlatsisoqarsinnaasooq inuusuttunut 20-nut 2015-ip ingerlanerani.



Ingerlatsitsinissamut taamaattumut aningaasaliutigineqarput kr. 825.000 - atuagarsiorfiunngitsumik neqeroortoqarpat isumaqatigiittoqarpallu.

Ikaarsaanermut aqutissiuussinerit Kommune Kujallip nunaqarfiini minnerpaamik qulinik 15-iniit 29-nut ukiulinnik innuttaasulinnut ingerlatissavai. Nunaqarfinni taakkunani isumaliutigineqassaaq aqutissiuussineq nunaqarfimmi imaluunniit illoqarfimmi pissanersoq. Aningaasaliutigineqarput kr. 20.000 taakkualu angalanissamut unnuinissamullu akiliutinut matussusiissapput nunaqarfimmut ataatsimut Kommune Kujallermi kr. 80.000 (katillugit nunaqarfiit sisamat).

4) Qitiusumit qinnuteqarfissat

15-18-inik ukiulinnut tunngatitanik immikkut ittumik ilinniartussat pillugit agguaassassani 2.000.000 kr.-usuni qinnuteqartoqarsinnaavoq. Ilassutitut ilinniartussat ilinniagaqarnermik imaluunniit suliffeqarnermik nangitsisoqarnissaq siunertaralugu faginut nalinginnaasunut aammalu allatut qinigassatut atuagarsornerunngitsunik ingerlassanut, kiisalu ilitsersuisarnernut atorneqassapput.

Piareersarfinni pisussani suliniutinut aningaasanik qinnuteqartoqarsinnaavoq. Agguaassassat 1.550.000 kr.-upput, qinnuteqartoqarneratalu kingornatigut tapiissutigineqarsinnaapput.

5) Inernerisassatut anguniakkat

2015-mut anguniagaavoq Kiffartuussinissamik isumaqatigiissut naapertorlugu aaqqissuussarisassat ingerlallugillu isumagineqartarnissaat. Tamatumani immikkoortoq pingaarutilik tassaavoq suliffissarsiuussisarfiup Piareersarfimmut ilanngutitineqarnissaa, aammalu/imaluunniit kommunimi pineqartumi ilinniartitaanermut sammisut suliffeqarnerullu akornanni sapinngisamik pitsaanerpaamik suleqatigiittoqarnissaa.

Naatsorsuutigineqarpoq Kommune Kujallermi inuit ilinniagaqalernissamut piginnaasaqarnerulersussat imaluunniit suliffeqarnermut piareersimalersussat 2015-mi ukiunut siuliinut naleqqiullugu amerliartulersimanissaat.

Ilinniartitaanermi anguniakkat

- Piareersarfimmi piginnaasaqarfigilikkamik ilinniagaqalersinnaanissamut 2014-mi naammassinnittut ikinnerpaamik amerlaqataat Piareersarfimmi 2015-mi naammassinnissapput piginnaasaqarfigilikkamik ilinniagaqalernissamut tiguneqarsinnaalerfiusumik.
- Inuit AEU-mik ilinniartut immikkoortunit aqquusaagassanit marluusuni minnerpaamik ataaseq 2015-mi angusiffigisimassavaat. Imaappoq, AEU-mi immikkoortoq 1-imut aamma/imaluunniit 2-mut angusisoqarsimassaaq.

Ilinniartitaanermi pitsaassuseq

- Kommunip Piareersarfimmi piginnaasalinnik sulisoqarnissaq isumannaassavaa.
- Kommunip Piareersarfiup illutassai naapertuuttut isumannaassavai.
- AEU atuutilersinneqassaaq ingerlateqqinneqarlunilu.
- AEU-mi atuartunut qarasaasiat ikinnerpaamik 15-iniit nutarteriigaallutillu internettimut attavillit atugassiisutaassapput. Qarasaasiat ilinniartitsissutitut tigussaasumik atorneqarsinnaassapput.



- Atuakkersuutit atugassiaassapput; Oqaatsit (ordbogit) oqaasivinnut tamanut, kalaallisut/danskisut, danskisut/kalaallisut, ordbogi, tuluttut/danskisut, danskisut/tuluttut, nudansk ordbog.
- Inuussutissarsiornermut, Suliffeqarnermut Niuernermullu Naalakkersuisoqarfiup ilinniartitsinermut atugassiai atuartitsinermi atorpeqarsinnaapput.
- Kommune innersuussisarnermut ilitsersuinissamullu najoqqutassanik pilersitsillunilu atuilissaaq.

6) Piareersarfinnut ingerlatsinermut tapiissutit

2015-mut ingerlatsinermut tapiissutit naatsorsorneqarput ataatsimut tassaassasut kr. 4.607.537.

Naatsorsuinermi agguataarinermut tunngaviupput:

Illoqarfiit	Ingerlatsinermut tapiissutit
Narsaq	1.341.750
Qaqortoq	1.870.123
Nanortalik	1.395.664
Katillugit	4.607.537

1. februar 2015 nuunneqassapput kr. 3.686.029,60. Taakku matussutaassapput ingerlatsinermut ataatsimut tapiissutissat 80 %-iinut. Ingerlatsinermut tapiissutissat sinneri 20 %-it 921.507,40 kr.-nit 2015-mi qaamatit pingasukkaartut sisamaanni akilerneqassapput, piumasaqaataallunili Kommune Kujallip inernerisassatut anguniakkanik isumaqatigiissutaasunik naammassinninnissaa.

Malugineqassaaq ingerlatsinermut tapiissutit agguataarneqarneri illoqarfinnut missingersuutaammata. Kommuni nammineq aalajangersinnaavoq pisariaqartitsineq aallaavigalugu agguataarinissamut.

7) Suliffissaaleqisut pillugit iliuusissaaq 2015

Kommune Kujalleq-mut 2015-imi suliffissaaleqineq akiorniarlugu immikkut suliniuteqarnissamut isumaqatigiissuteqartoqareenera innersuussutigalugu, immikkut suliffissaaleqinermut suliniuteqarnissamut tapiliussatut isumaqatigiissut nassiuunneqarpoq. Tapiliussatut isumaqatigiissut ingerlatassanut kommunip Piareersarfinni piginnaangorsaanernut atatillugu aallartitassaannut aningaasanik nuussinissamut tunngassuteqarpoq kiisalu Piareersarfiit qanoq piginnaangorsaanerit ingerlanerannut nalilersuinissaannut naalakkersuisoqarfik qanoq kissaateqarnerseq.

Suliniuteqarnermut siunnerfiit

2015-imi suliffeqanngitsunut immikkut ittumik suliniuteqarnissamut siunnerfiusoq Kommune Kujallermi iluussuttut 25-it sannavimmi piginnaangorsarlutik imaluunniit Piareersarfinni suliffimmut sungiusarlutik aallartissasut. Malugiuk siunnerfiusoq Piareersarfinnut kiffartuunneqarnissamut isumaqatigiissummut killissaliussat iluaniingimmat.



Illoqarfiit	Ilinniartut amerlassusissaat	Qaamm amerl.	Aningaasaliissutit aningaasarsiat, najoqqutassat		
			60 % kr.	40 % kr.	
Piareersarfik Nanortalik sannavimmi piginnaangorsaaneq	15	10	800.000,-	500.000,-	1.300.000,-
Piareersarfik Qaqortoq suliffimmut sungiusaalluni piginnaangorsaaneq	5	10	150.000,-	50.000,-	200.000,-
Piareersarfik Narsaq sannavimmi piginnaangorsaaneq	5	10	150.000,-	50.000,-	200.000,-
			1.200.000,-	700.000,-	1.700.000,-

Suliffeqanngitsunut suliniuteqarnermut piumasaqaatit:

Inuusuttut 25-it taakua sannavimmi piginnaangorsaanerup ingerlanerani malinnaassapput, qaammatit 10-it tikillugit sivisussuseqartumik. Piginnaangorsaanerup ingerlanissaata aallartinnginnerani peqataasut tamarmik iliuuseqarnissamut pilersaaruserfigineqarnissaat Piareersarfiit isumagissavaat. Taamatuttaaq Naalakkersuisoqarfiup kissaatigaa sannavimmi suliffimmilu ingerlatat, inuit qassit piginnaangorsaanerit ingerlaneranni peqataasimanersut naammassisimanersullu, AEU-imi piginnaangorsaanerimi, ilinniagaqalernerimi aallartissimanersut aammalu sulilersimanersut aallaavigalugu nalilersuisoqassasoq.

Kingusinnerpaamik 15. september 2015 Piareersarfiit ataasiakkaat atuarnertit naammassineqartut nalilersussavaat aammalu nalilersuineq elektroniskinnorlugu naalakkersuisoqarfirmut nassiutissallugu.

Nalilersuineq marlunnik immikkoortoqarpoq:

- Piginnaangorsaanerit, sannavimmi suliffimmilu sungiusaanerit ingerlaneranni peqataasunik nalunaarsuineq. Paasissutissat regneark-imi, naalakkersuisoqarfiup Piareersarfinnut nassiussimasaanni nalunaarsorneqassapput.
- Piginnaangorsaanerit ingerlanerannik nalilersuinerimi, atuartitsinerup ingerlanera aamma atuartitsinissamut pilersaarutit aamma ingerlatanut sannavimmi suliffimmullu sungiusaanerimut atatillugu ingerlanneqarsimasunut pilersaarutit, sammineqassapput.



a pillugu – Peqataasunik nalunaarsuinerup takutissavaa:

- a. inuit qassit iliuusissanut pilersarusiorfigineqarsimanersut.
- b. qassit piginnaangorsaanerit ingerlaneranni naammassinnissimanersut.
- c. piginnaangorsaanerit ingerlaneri qanoq ittut ingerlanneqarsimanersut.
- d. inuit qassit piginnaangorsaanerit ingerlanerannik naammassinnissimanersut.
- e. piginnaangorsaanerit ingerlaneranni uniinnartut qanoq amerlatigisimanersut, inuit amerlassusaat.
- f. inuit qassit piginnaangorsaanerimut, ilinniagaqalernerimut imaluunniit suliffeqalernerimut ingerlaqqissimanersut.
- g. Inuit qassit suliffissaaleqisut piginnaangorsaanerit ingerlanerisa naammassereerneranni naqitsittarnersut.

b pillugu – Piginnaangorsaanerit ingerlanerannik naliliineq:

Nalilersuinerimi nassuiaat ilaatinneqassaaq ukuninnga:

Matuma siuliani paasissutissat taaneqartut aallaavigalugit apeqqutit matuma kingulianiittut oqaaseqarfigineqassapput aammalu inerniliinermik naggasiisoqassalluni.

1. Uniinnartoqarsimappat, tamanna sumik pissuteqarpa?
2. Peqataasut misilitsinnermik angusisimangippata, tamanna sumik pissuteqarpa?
3. Peqataasut ingerlatami naammassereernerimik kingorna ilinnialerlutik imaluunniit sulilerlutik aallartissimangippata, tamanna sumik pissuteqarppq?
4. Piginnaangorsaanerit, suliffinnut sannavinnullu sungiusaanerit ineriartortinneqartuarnissaat aammalu inuusuttut piginnaangorsarnissamut pisariaqartitaannut naleqqussarneqartuarnissaat qanoq iliorluni Piareersarfiit qulakkeerniarpaa?

Piareersarfinni atuartitsisut aamma pisortat angusat pitsaasut taamatullu pitsaangitsutnalilersussavaat nassuiassallugillu aammalu atuartitsinerup ingerlatallu, peqataasut amerlanerusut pisortanit pilersorneqarnermit qimagukkiartornissaat qulakkeerneqarsinnaangorlugu ineriartortinneqarsinnaanerimut siunnersuuteqassallutik. Naliliinermut ilanngullugu AEU-mut atuartitsinissamut pilersaarutit aammalu ingerlatanut sannavimmi suliffinnullu sungiusaanermut atatillugu ingerlanneqartunut pilersaarutit ilanngunneqassapput.

Suliffeqanngitsunut suliniuteqarnermut ingerlatsinerimut tapiissutit:

2015-imut ataatsimut katillugit ingerlatsinerimut tapiissutit kr. 1.700.000,00-inut naatsorsorneqarput ilinniartut amerlassusissaannut 25-inut tapiissutit ilanngullugit. Ingerlatsinissamut tapiissutit imatut agguarneqarput:

- Ulloq 1. januar 2015 kr. 1.020.000,00 nuunneqassapput. Aningaasat taakkua ingerlatsinissamut tapiissutit tamakkiisut 60 %-iisut annertussuseqarput.
- Sinneruttut 40 %-iusut ulloq 1. oktober 2015, naalakkersuisoqarfiup ulloq 15. september Kommune Kujallermit piginnaangorsaanerit, sannavimmi suliffimmilu sungiusaanerit nalunaarsorneqarneri nalilersorneqarnerilu tiguppagit tunniunneqassapput.



8) Ilinniagaqarnersiuteqartussanut amerlassusiliinerit

Kommune Kujalleq ilinniagaqarnersiuteqartussanut ataatsimut aningaasaliiffiuvoq ilinniartunut qaammatini agguaqatigiissillugu qulini ingerlataqartunut 137-inut. Inuit ilinniagaqarnissamut piunasaqaatinik naapertuisinnaareersut taakkunannga ilinniagaqarnersiuteqarsinnaangillat.

Takuuk kapitali 1-i illoqarfinnut agguataarinerit.

Ilinniagaqarnersiutit 112-it USF-Ilinniagaqarnersiuteqartitsivimmumut naatsorsorneqassapput, sinnerilu Inuussutissarsiornermut, Suliffeqarnermut Niuernermullu Naalakkersuisoqarfimmumut suliffissaaleqineq akiorniarlugu suliniummit naatsorsorneqartassallutik.

Kommune Kujalleq suliassat matuma siuliini aqqinneqarnissaannut Namminersorlutik Oqartussanut akisussaatinneqarpoq.

Namminersorlutik Oqartussat sinnerlugu

Kommune Kujalleq sinnerlugu